



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

§. 1. An ex duabus probabilitibus semper tenenda sit favorabilis sigillo?

urn:nbn:de:hbz:466:1-37144

etiam dare licentiam, ut manente sigillo Confessarius possit de iisdem loqui; item pœnitentem non dare extra confessionem ei aliam notitiam, sed tantum licentiam utendi notitiâ confessionis &c.

204. Ex dictis hactenus de sigillo Confessionis potest jam haec, suprà promissa, plenior ejus concinnari descriptio, & dici, sigillum est obligatio Jure naturali & positivo, tam divino quam humano introducta, vi cuius aliquis debet omnia, quæ non nisi ex confessione Sacramentali immediate, vel etiam mediata tantum, tam licetè, quam illicetè cognovit, & in aliud quod pœnitentis gravamen cedere possunt, ita indispesabiliter recta & velata servare, ut de iis nec extra confessionem cum ipso pœnitente, nec cum ullo alio unquam etiam post mortem ejus sine expressa ejus licentia sit licitum in ullo excogitabili casu directè vel indirectè manifestando agere.

Ut ergo aliquis censeatur violare Sigillum Confessionis, debet revelare I. aliquid, quod cadit sub sigillum; II. ipsam quoque personam pœnitentis vel complicitis; III. sine licentia legitima, & IV. id eo modo, quo ex sola confessione Sacramentali cognitum habet. Tan. cit. q. 9.

n. 125. Neque difficile jam est, ex principiis alatis varias particularium casuum Resolutiones deducere. Sed quia, quod meritò dolendum in re tanti momenti, cui etiam salus totius Mundi posthabenda forer, tanta est Doctorum inter se dissensio, opera pretium videtur, ut prius, quam ultius progrediamur, discutiatur hic consideratione digna Quæstio.

SECTIO IV.

De Delectu sententiarum circa Obligationem Sigilli.

Resolvenda sunt hîc aliquam multa dubia, & 1. quidem an ex duabus probabilitibus semper tenenda sit ea, quæ est sigillo favorabilis. 2. quæ oriuntur de Confessione obligante ad sigillum; uti & 3. circa Materiam sigilli. 4. de indirecta violatione Sigilli.

§. I.

An ex duabus probabilitibus semper tenenda sit favorabilis sigillo?

205. Est hæc Quæstio: Quænam ex duabus sententiis, quarum una affirmat, altera negat in hæc vel illo casu violari sigillum, sit in praxi tenenda & amplectenda, quando utraque ab Auctoribus traditur, & admittitur esse probabilis? Resp. in praxi omnino semper esse Affirmativæ inhærendum. Atque ita etiam sentit Dian. in proœm. p. 5. tr. II. et si in aliis matteriis semper sit magnus benigniorum sententiarum patronus. Rationes meæ sunt seqq.

I. Quia qui contra alios negant, aliquid esse contra sigillum confessionis, tentur tamen id communiter esse contra Secretum medium, vel saltē contra Secretum naturale; atqui Secretum medium non differt quoad obligationem à sigillo Confessionis, ut sup. n. 183. ostendi, ergo qui concedit aliquid esse contra illud, concedit re ipsa esse etiam contra istud, & tantum nomine tenus negat.

Q. 3

Sed

Sed & id, quod contra Secretum naturale agitur, etiam semper (excepto solo casu necessitatis illi præponderantis) est peccatum, nec in praxi licitum. Atque ita ejusmodi Auctoris per suam negativam non tollunt ullo modo peccatum (quod bene notandum) sed tantum minuant, voluntque illud habere tantum malitiam Injustitiae & Infidelitatis, non item Sacilegii. Sed neque hoc præstant, Nam

II. In omnibus ferè casibus id, per quod aliqui contra alios negant violari sigillum, parit tamen, ut illi fatentur, vel periculum illud violandi, vel scandalum, ut homines nimis, saltem simplices & rudes, putent per id violati sigillum, & irreverentiam fieri Sacramento, ipsique adeo ab eodem absterreantur: ad quod tamen damnum apud simplices aquæ atque apud omnes alios cavendum introducta est obligatio sigilli. Suarez apud Fag. cit. lib. 6. cap. 4. n. 2. atqui se expōnere periculo violandi sigillum, est peccatum contra sigillum, uti & dare scandalum in materia Sigilli, juxta Suar. l.c. ergo peccatum illud habet non tantum malitiam Injustitiae & Infidelitatis, sed etiam Sacilegii; neque jam superest ulla ratio, ob quam non meritò affirmativa in favorem Sigilli præferatur negativæ.

III. Causa Sigilli est causa pia & plus quam ulla alia favorabilis, quia est in favorem penitentis, in bonum publicum totius Ecclesiæ, in honorem & reverentiam Sacramenti post mortalem lapsum summè necessaria, estque semper saluti & bono etiam totius Mundi præferenda; ergo cùm quætitur, an hoc vel illud sit

contra sigillum, & pro utraque parte statratio, sed tantum probabilis, tunc in praxi debemus sequi affirmativam sigillo faventem, & nullatenus negativam eidem contraria: sicut in confitu probabilium sententiarum semper debemus sequi illam, quæ favet causæ piaæ, doti, matrimonio, libertati, similique causæ favorabili. Sanch. l. 3. Matr. Disp. 16. n. 4. Tamb. lib. 1. Decal. cap. 3. §. 4. n. 4. ex com. Neque vim hujus argumenti declinat satis Dicast. cit. Disp. 12. n. 57. ubi: Ego, inquit, amo favere sigillo, sed cum sufficienti fundamento. Nam hoc ipso, quod sententia aliqua stans pro sigillo ejusque obligatione habeatur ab idoneis Auctoribus pro probabili, deesse ei non potest sufficiens fundamentum.

IV. Quando utraque pars contradictionis est quidem secundum se probabilis; nihilominus tamen eam, quæ cedit in damnum alicuius tertii, non possumus in praxi sine illius præscitu & consensu licet sequi: sic cùm probabile est, equum v. g. & esse & non esse meum, non possum alicui licet vendere, nisi ille concens hujus rei consentiat. Tamb. lib. 1. Decal. cap. 3. §. 3. n. 23. atqui aliquid esse, vel non esse contra sigillum interest plurimum penitentis; quia istud in multis casibus est, & illud in nullo est sine ipsius licentia revelabile; ergo cùm utrumque est probabile, non possumus licet sine penitentis licentia sequi negativam, & habere id pro revelabili; sed renemur in praxi sequi affirmativam, & habere pro non revelabili.

206. V. Et si in dubio, non tantum negativo, sed etiam positivo de aliis obligacioni-

tionibus rectè possit & debet fieri resolutio pro eo, qui est in possessione libertatis; in dubio tamen, an aliquis v.g. confessarius sit, vel non sit in hoc aut illo casu obligatus sigillo, resolutio debet semper fieri in favorem Sacramenti & Sigilli. Reginald. lib. 3. cap. 5. ubi cùm dixisset, audita in confessione posse revealari ex licentia penitentis; ut & si etiam extra confessionem sint aliunde cognita, addit n. 68. ex Graffio, &c. in extra predictos casus, inquit, debet in dubio Confessarius semper inclinare ad servandum secretum sigilli, ut eviter scandalum; testaturque etiam Tamb. de conf. lib. 5. cap. 3. n. 20. possessionem libertatis ad loquendum, quam habet. v.g. Confessarius, vinci in dubio ab obligatione sigilli, ne Sacramentum tam necessarium reddatur odiosum, fideles ab eo absterrantur, vel ab eius usu impediantur. Sed & Tan. cit. q. 9. n. 137. In re dubia, inquit, semper judicandum est in favorem confessionis & penitentis; idemque etiam docet. Fag. Præc. 2. lib. 6. cap. 5. n. 16. Bonac. tom. I. Diff. 5. q. 6. scilicet 5. p. 2. n. 4. Dicast. 1. 6. n. 61. & alii. Atque ex his Fagund. 1. c. expresse & in specie loquitur de dubio positivo. Neque ceterorum videtur esse mensalia, cùm loquantur de dubio generaliter. Quidquid autem de hoc sit, etiam à dubio negativo licet ad positivum sic argumentari.

VI. Favor sigilli in dubio negativo, in quo nulla alia probabili ratione adjuvatur, est tantus, ut vincat possessionem, & probabilitatem à possessione defumptam, ceteroqui semper ab omnibus maximi estimata. Tamb. l.c. ergo etiam in dubio positivo, ubi insuper probabilem ra-

tionem habet protestantem, debet vincere oppositam probabilitatem quamcumque. Inæqualia enim manent talia, si iis addantur æqualia; atqui in dubio negativo pars pro sigillo est major & fortior, quam pars contra sigillum; ergo cùm in dubio positivo accedit utriusque ratio aliqua, sed tantum probabilis, pars pro sigillo cum sua ratione manet adhuc major & fortior, quam pars contra sigillum cum sua, estque adeo adhuc in praxi non ista, sed illa tenenda. Neque juvat, etiam si pars sigillo ejusque obligationi contraria quandoque videatur nitiratio ne probabiliore, quam obligatio sigilli; quia summa ratio est, quæ pro Religione facit; & favor sigilli superat ipsam possessionem alterius sibi oppositam, ergo cùm possessio superet omnem probabilitatem sibi contrariam, etiam majorem; superat quoque eandem favor sigilli, juxta vulgatum: si vinci vincentem te, vinci & ego te: Quod si diccas, non ita esse favendum sigillo, ut aliis fiat injuria aliqua, aut iniquè imponatur obligatio: Verum dicas; sed nego iniquè agi cum illo, qui in dubio censetur potius esse, quam non esse obligatus sigillo, ut constat ex dictis & cito. DD.

207. Pro confirmatione addo, omne illud obligatione sigilli prohiberi, quod confessionem redderet gravem & odiosam fidelibus. Lug. cit. Diff. 23. n. 97. atqui sententia aliqua, quæ in dato quodam casu obligationem sigilli probabilitate negat, in quo alii probabilitatem eandem obligationem affirmat, reddit planè confessionem odiosam & gravem, impediendo scilicet à facilitate faltem ejus usu, ut gatebit ex dicendis §. II. ergo &c.

Unde

P. St. c
tribul. Pœnit. E. n. 21. H.
Unde rectè Gobat dixit, se ejusmodi sententiis in suo Clypeo Clementium Judicium, & sub illo nullum angulum permettere, ut haberetur p. 2. *Clypeus Decad.* 2. *Docum. 17. n. 230. edit. Constant. 1669.* prætermisso in Quinario ob causas ibi assignatas, Nescio autem quo consilio idem Author, cùm in Exper. Theol. tr. 7. n. 852. scripsisset juxta aliquos solum confessariorum obligari sigillo propriè dicto; cæteros autem quocunque tandem modo notitiam confessionis acquirant, secreto tantum naturali: quod quidem alii assertunt esse prorsus in omni casu inviolabile sub reatu sacrilegi: at verò Vasz. Hurt. & alii apud Dian. p. 5. tr. 11. Ref. 11. censem posse revelari i ab iis ad gravissimum malum avertendum, deinde ipse interposito suo judicio dixerit: plurimum referre ad præxim, utrā sis opinione imbutus; & tandem his verbis subscripterit: non possum negare probabilitatem alterutri sententia; seu non obliganti in extrema necessitate presertim publica, seu obliganti in illa. Vide eundem etiam n. 888.

Certè in contrarium est imprimis, quia Auctores à Dian. l. c. relati loquuntur tantum de iis, quibus confessarius ex licentia pœnitentis revelat confessionem; non autem ita universaliter de omnibus aliis, sicut Gobat. Deinde si probabile est, & quidem etiam prætice, ut Gobat l. c. agnoscat, quod inter alios illi quoque non teneantur sigillo, sed præcisè tantum secreto naturali, eoque ex justa causa revelabili, quibus confessarius sine licentia pœnitentis sacrilegè ejus peccatum confessum revelat; ergo hoc ipso jam possunt in foro externo licet ut restes contra sigillifragum Confessarium à Judi-

ce examinari, & licet contra eundem testari absque omni alia licentia pœnitentis; cùm utique justissima causa sit apriendi secretum merè naturale, quando ad puniendum crimen toti Ecclesiæ perniciosissimum, avertendūmque damnum, ipsa Mundi totius ruinâ gravius, est ita necessarium. Hæc autem sequela jam ostendit, illum frustra in Accusat. Can. cap. 41. à n. 199. tam operose conatum esse demonstrare, nec Judicem, nec testes possid, quod in sequela dixi, sine licentia pœnitentis agere, ex hoc solo & unico fundamento, quod & Judex & testes alioquin agerent contra sigillum. Ipse enim, ut vidimus, statetur, in praxi etiam esse probabile, illos non sigillo, sed tantum secreto merè naturali, eoque revelabili obligari. Præterea autem quis non videt futurum, ut pœnitentes valde absterrantur à Sacramento Pœnitentie, vel multum in ejus usu impediantur, si interpres, internuntius, vel illi, quibus sacrilegè revelatur confessio, vel qui eam casu aut hec quiter audiunt &c. non sigillo, sed tantum secreto obligentur merè naturali, quod in multis casibus, etiam cum gravissimo pœnitentis damno, aperiri potest; ergo id hoc ipso est, & esse deber sub obligatione sigilli prohibitum, ut paulo ante ex Lug. argumentati sumus.

209. His ita constitutis ostendam nunc porro, quem usum in praxi habere possint fundamenta huc usque declarata; & ordine illis correspondente sub jungam aliquot particularium casuum Resolutiones, allegato pro & contra uno altero ve Authore, apud quem alii vide ri possunt. Semper autem in omnibus constanter inhærebo illis sententiis, quæ & à

& à DD. censentur probabiles, & insuper etiam favent sigillo ejusque obligationi; quidquid jam sit de contrariis earumque probabilitate, quam si quis dicere vellet, non esse practicè practicam, sed tantum speculativam in sensu, quo Laym. I.I. tr. I. cap. 5. n. 2. loquitur, ei non magnopere reluctandum esse censerem. Idque aperte tradit Diana in cit. proœm. p. 5. tr. II.

§. II.

Resolutiones de Confessione ad Sigillum obligante.

209. De hac diximus sup. n. 185. omnem illam peccati manifestationem & locam obligare sub sigillo, quam quis facit cum aliquo animo se in foro interno accusandi, vel alterius directioni se subjiciendi aliquo saltem modo in ordine ad absolutionem; ita ut cum Fag. Prec. 2. lib. 6. cap. 6. n. 16. rectè pro Maxima statuatur, quod obligatio sigilli ob suam favorabilitatem non solum ad ipsam confessionem (strictè sumptam) extendatur, sed etiam ad omnia ea, quæ ordinantur immediatè ad illam, nimirum tanquam instrumenta & media necessaria, vel latem utilia, suntque propterea etiam Confessio inchoata & inchoativè. Manifestatio ergo peccati cum prædicto animo facta verè obligat sub sigillo, nec potest sine licentia pœnitentis in ullo excogitabili casu revelari.

210. I. Si Adam confessus est sacrilegè, vel sine debito dolore, aut propofito se emendandi, ignoscendi inimico, restituendi rem alienam, vitandi occasionem proximam, malum suum statum

R. P. Stoz. Trib. Pœnit. Lib. II.

v.g. concubinatum deserendi &c. Est communis ex cap. Quod quidam s. de pœnit. & remiss. Tan. tom. 4. Diff. 6. q. 9. n. 138. Lug. Diff. 23. n. 117. etiam si ejusmodi pœnitentis fiat, se propterea ante hac ab isto vel alio confessario non fuisse absolutum, & neque tum magnam spem habeat obtinendi absolutionem. Ratio, quia nihilominus potest adhuc manifestare sua peccata cum animo se de iis accusandi, vel se directioni confessarii subjiciendi. Est contra Coninch. Diff. 9. n. 7. quavis. n. 8. v. secus, videatur non multum repugnare.

211. II. Si Barnabas veniens ad confessionale dicat, se ob gravem animi afflictionem non esse sati dispositum, nec cupere absolviri; velle tamen miseriam sui statutus & peccata explicare, ut confessarius possit ipsi ad bonum suum spirituale vel temporale præbere aliquod consilium, solatium vel auxilium. Ratio, quia hæc peccatorum manifestatio est saltem dispositivè, reductivè, & inchoativè confessio. Fag. l.c. cap. 4. n. 24. cum Syl. Videtur enim pœnitentis eam facere, ut ab afflictione liberetur, atque ita disponatur ad absolutionem postea aliquando recipiendam. Contrarii Doctores loquuntur tantum de illo, qui circa aliquod suum peccatum petit consilium protinus impertinenter ad confessionem vel absolucionem apud Palao de pœnit. Diff. un. p. 19. §. 2. n. 2.

212. III. Si Cosmas volens confiteri per interpretem, sive Clericum sive Laicum, manifestet sua peccata illi, etiam in absentia Confessarii; sicut fieri posse dixi sup. n. 99. Interpres autem deinde non exponat Confessario. Ratio, quia mani-

R

mani-